

BAB V KACINDEKAN, IMPLIKASI JEUNG RÉKOMÉNDASI

5.1 Kacindekan

Dumasar kana hasil analisis jeung pedaran nu diébréhkeun dina bab IV, bisa dicindekkeun yén novel *Sudagar Batik* karya Ahmad Bakri ngandung polah ucap komisif nu dianalisis dumasar kana wanda pragmatis, ma'na pragmatis jeung adegan pragmatisna. Dina ieu panalungtikan, kapanggih aya 74 kalimah nu ngandung polah ucap komisif anu ngawengku 4 wanda pragmatis, 6 ma'na pragmatis, sarta 2 adegan.

Wanda pragmatis polah ucap komisif nu pangréana kapanggih nyaéta polah ucap komisif langsung literal (50 kalimah), ari polah ucap nu pangsaeutikna nyaéta polah ucap komisif langsung tan-literal (2 kalimah) jeung polah ucap komisif teu langsung tan-literal (2 kalimah). Sésana mangrupa polah ucap teu langsung literal (20 kalimah).

Ma'na polah ucap komisif nu pangréana kapanggih nyaéta ma'na polah ucap nitah (23 kalimah), ari ma'na polah ucap nu pangsaeutikna nyaéta ma'na polah ucap ngajak (3 kalimah). Sésana mangrupa ma'na polah ucap ngantebkeun (22 kalimah), ma'na polah ucap ngahulag (11 kalimah), ma'na polah ucap meredih (8 kalimah), jeung ma'na polah ucap ngawarkeun (7 kalimah).

Adegan pragmatis polah ucap komisif nu kapanggih aya 53 kalimah nu dipasing-pasing dumasar kana adegan téma-réma jeung fokus-latar. Tina hasil data nu kapanggih, adegan téma-réma ngawengku 27 kalimah, ari adegan fokus-latar ngawengku 26 kalimah. Tina hasil analisis data, kapanggih aya 4 pola adegan téma-réma, nyaéta pola 1 (T – R : J – C), pola 2 (T – R : J – C – Pal), pola 3 (T – R : J – C – U), jeung pola 4 (T – R : J – C – Pal – Kat). Ari adegan fokus-latar aya 7 pola adegan, nu ngawengku pola 1 (F – L : J – C), pola 2 (F – L : J – C – Pal), pola 3 (F – L : J – C – U), pola 4 (F – L : J – C – Kat), pola 5 (F – L : J – C – U – Pal), pola 6 (L – F : C – J), jeung pola 7 (L – F : C – J – Pal). Papasingan pola adegan nu dijabarkeun kapanggih tina hasil analisis adegan kalimah polah ucap komisif.

Sacara umum bisa dicindekkeun yén polah ucap komisif réréana mangrupa polah ucap komisif langsung literal dina ma'na pragmatis nitah. Adegan pragmatis polah ucap diwangun ku susunan adegan téma-réma.

5.2 Implikasi

Ieu panalungtikan dipiharep bisa ngeuyeuban sarta ngajembaran paélman hususna dina widang pragmatik. Ieu panalungtikan ngeunaan polah ucap komisif dina novél *Sudagar Batik* karya Ahmad Bakri dipiharep sangkan nu maca hususna mahasiswa maham kana polah ucap komisif, tur bisa ngalarapkeunna dina kahirupan sapopoé. Ku ayana ieu panalungtikan, dipiharep bisa ngajembaran kaweruh masarakat hususna guru dina widang basa Sunda kana polah ucap komisif.

5.3 Rékomendasi

Sabada ngalaksanakeun ieu panalungtikan, aya sawatara rékomendasi nu patali jeung ieu panalungtikan.

- a. Ieu panalungtikan medar ngeunaan polah ucap komisif nu kawilang masih saeutik lantaran munggaran ditalungtik. Ku kituna, masih perlu diayakeun panalungtikan satuluyna.
- b. Pikeun ngajembaran ulikan dina kabasaan hususna ulikan pragmatik dina polah ucap, dipiharep bisa leuwih ngajembaran ulikan nu dipedar, teu saukur medar ngeunaan wanda, ma'na jeung adegan pragmatisna wungkul.
- c. Tina wanda, ma'na, jeung adegan polah ucap komisif dipiharep bisa dilarapkeun dina komunikasi sapopoé, sangkan teu kajadian ayana pasalia paham.